

晉書校勘記

晉書校勘記卷四

海門周家祿謨

列傳第一

后妃上

惠羊皇后

故以太安元年立爲皇后 永康誤太安

帝還洛迎后復位後洛陽令何喬又廢后及張方首至其日復后位 按惠帝紀何喬廢后在前帝還洛迎后復位在後二事敘次誤倒

生曜二子而死 據曜載記羊后生三子熙襲闡

列傳第二

后妃下

豫章君 當照總目作荀豫章君

成恭杜皇后

太尉王夷甫外孫 紀傳例不書字王夷甫當作王衍餘並同

章太妃 當照總目作章周太妃

穆章何皇后

永興三年崩 元興誤永興永興惠帝年號

哀靖王皇后

興寧二年崩 三年誤二年

廢帝孝庾皇后

太和六年崩 元年誤六年

太元九年海西公薨于吳 十一年誤九年

列傳第三

王祥 下宜照總目補弟覽子目

泰始五年薨 按武帝紀祥薨以泰始四年

王覽 按傳覽不書姓承上王祥爲文此目宜刪照總目

附注王祥傳下

裁字士初 此數行宜附覽傳不別爲篇按本書之例凡附傳別爲篇者必有子目其無子目者必係後人誤分今覽諸子不列於子目呂虔一段又係總結全篇之文故知宜附覽傳不別爲篇

何曾 下宜照總目補子劭遵子目

何劭

人謂忠正畏強易弱 中正誤忠正

何遵 劭遵二目宜刪附注何曾傳下與王覽傳目同例

石苞

孫鑠

泰始八年薨 按武帝紀苞薨以泰始九年

俊字景倫 浚誤俊

少樂爲縣吏 樂疑當爲錄聲之誤

列傳第四

羊祜

其以祜爲尙書右僕射衛將軍 左僕射誤右

杜預

蓋以別合無在更緣生以示教也 句疑有脫誤

列傳第五

裴秀

子顯

從弟楷

楷子顯

咸寧初與石苞等並爲王公配享廟庭 按苞等傳王公作王功

非易之所以爲體守本無也 無衍文涉上而靜一守本無虛

無之謂也文而誤

夫有非有於無非無於無非無於有非有 語不可解必有脫

誤一去中於字讀有非有於無句非無句無非無於有句非有

句而義仍不可解

與字祖明 與瓚不列子目按照石苞諸子傳例無子目者附

苞傳有子目者別爲篇與璣宜附楷傳不別爲篇

文武不堪苛故悉皆散走 不堪苛不成句疑當作文武不堪苛政悉皆散走形之誤

楷弟綽 子目無宜附憲傳按黎康綽諸人皆楷傳餘文八裴一段又係總結全篇與王覽傳後同故知當附憲傳

列傳第六

衛瑾 子恆

父觀 觀當作顗

似水露絲絲疑垂下端 緣誤絲便失語妙

張華 子禪 題

禪字彥仲 題 按傳祇二行宜附華傳以子目所有茲仍其

舊又按他傳之例子目兄弟並列必有二傳然或事迹過簡分不成篇或文氣連續難斷爲二則目從其分文從其合下第十四盧欽傳之子浮弟琬第二十四陸機傳之弟雲雲弟耽異目同傳與此同例並存其舊餘似此者不悉校

列傳第七

宗室

宗室二字宜另行低一格大字居中與第八

篇宣王王文六王同例

安平獻王孚

河間平王洪

下邳獻王晃

常山孝王

二子威混

按武帝紀太康九年徙章武王威爲義陽王立河

間平王洪子英爲章武王然則洪有三子也

位至游擊大將軍

大衍文

咸寧六年薨

元康誤咸寧咸寧武帝年號

按惠帝始立建

元元康本紀誤作永平故紀年之文多誤校詳惠帝紀

以安平世子邕第四子敦爲嗣 敦當爲殷殷敦皆邕子按武

帝紀咸寧元年十月常山王殷薨三年正月立安平穆王隆弟

敦爲安平王若敦爲常山王嗣則已於咸寧元年薨矣何以三

年又立爲安平王乎

彭城穆王權

孫紘

紘子俊

按權子植植子釋釋子紘

紘於權爲曾孫宜作曾孫紘俊傳首句作恭王俊諸王有

謚者目皆照傳首書謚宜作紘子恭王俊

出爲安東將軍 惠帝紀作平東

高密文獻王泰

子孝王略

略兄新蔡武哀王騰

保

後代下邳王晃爲尙書左僕射 右誤左

孝王略字元簡 按惠懷帝紀及各傳皆作高密王簡疑當時以字行校詳惠帝紀

出爲安南將軍 按惠帝紀作鎮南

懷令劉根 據惠帝紀宜作劉柏根按柏根爲王浚討斬浚別有督護劉根又惠帝紀有武昌太守劉根別一人

進騰征安北將軍 據惠帝紀時王浚爲安北將軍騰爲平北將軍句下脫光熙元年改封東燕王事下改封新蔡王據由東燕王而言若由東羸當云進封不當云改封也

是歲保病薨 按元帝紀保爲張春所害而死不以病薨

范陽康王綏

子愔

咸寧五年薨 四年誤五年

拜他爲司徒永興三年暴疾薨 司空誤司徒按他薨在光熙
改元之後當作光熙元年蓋惠帝紀永興無三年也

濟南惠王遂

曾孫勳

勳傳不別爲篇目宜刪

以梁州刺史授桓宣卒

按衍文

譙剛王遜

子閔王承

忠王尙之

休之

於是與惔及弟前丞相掾望 弟上當補惔字或其字文乃明
弟惔之弟也

命尙之爲前鋒

紀云爲後部

攜子姪奔于慕容超

按載記宜作慕容德

任城景王陵

斌

總目作西河繆王斌傳首同宜補

三年轉封任城王之國咸寧五年薨

按武帝紀陵與西河王

斌皆以咸寧三年徙封陵以太康四年薨咸寧當移三年上五年薨當作太康四年薨

三年改封西河咸寧四年薨 咸寧當移三年上說見上

列傳第八

宣五王

張夫人生梁王彤 按諸王有謚者總敘目錄例皆照本傳書謚梁王彤宜作梁孝王彤

柏夫人生趙王倫汝南王亮亮及倫別有傳 汝南王亮合下爲句下亮字衍文

琅邪王仙 宜照總敘及篇首作琅邪武王仙下宜照總目補子蠡澹繇淮目

假節徐州諸軍事 假節下脫都督

并乞分國封四子 按武帝紀太康十年封琅邪王觀諸弟有
卷爲東莞公是仙有五子也

更以皇子煥爲琅邪王其日薨 按元帝紀煥以丁丑日封己

卯日薨

東夷校尉文似 武惠二帝紀作文淑扶風王駿傳與此同

扶風王駿 宜作扶風武王駿下宜補子暘故目說並見

上

駿年八歲爲散騎常侍侍講焉 上巳云及長清貞守道不應
侍講之年復是八歲當是十八之誤

代汝南王亮鎮關中 時亮尙未徙封汝南當稱扶風王亮按

稱扶風王嫌與本文相溷或記者改稱以別之也

梁王彤 宜作梁孝王彤說見上

進號安東將軍元康初轉征西將軍 按惠帝紀彤以征東將軍轉征西大將軍

永康二年薨 永康二年惠帝反正改元爲永寧彤以太安元年薨在未改元之前是爲永寧之二年康當爲寧

齊王攸 當作齊獻王攸下宜補子棐贊寔目說並見上
城陽王兆 宜作城陽哀王兆

遼東王定國 宜作遼東悼惠王定國

廣漢王廣德 宜作廣漢殤王廣德

樂安王鑒 宜作樂安平王鑒

列傳第九

王沈

子浚

中書令李紱爲河南尹 閻鼎傳作李嘏

右賢王日律孫 當作日利孫

荀頤

又與扶風王浚論仁孝孰先 駿誤浚

咸熙初 三字衍文上已云咸熙中矣

時以正德大序雅頌未合 大序當作大豫豫一省作予由此
誤

荀勗

組

進封臨潁縣公加大夫人世子印綬 按輿服志有郡公侯縣

公侯太夫人夫人印綬太夫人卽太夫人也古大大同字

列傳第十

賈充

李郭二女 郭衍文

列傳第十一

高光

守道貞全 全貞誤倒

列傳第十二

王渾

轉征東大將軍 武帝紀作征南

長子尙早亡次子濟嗣 按上云封次子尙爲關內侯此不當

云長子濟亦不當云次子

王濬

王寅濬入於石頭 王寅宜作三月壬申

獲其鎮南將軍留憲 武帝紀作鎮軍將軍

唐彬

長子嗣 長子某脫名

列傳第十三

山濤

該字伯倫 該以下子目無宜附濤傳說見王覽等傳

王戎

遷尙書左僕射 據惠帝紀當作右僕射樂廣傳同

列傳第十四

鄭表 子默

文帝與表書曰 表誤襲

華表 子庶

有六子庶岑嶠鑒澹簡 下當補澹子軼別有傳六字

混字敬倫

苻字敬叔 子曰無混替右二條宜附庶傳說見上

石鑒

封昌安縣侯 安昌誤倒據武帝紀

列傳第十五

劉毅 子暉

毅傳暉下宜補總字

和嶠

與任顗張華相善 愷誤顗

武陟

同郡劉公榮 當作劉昶說見列傳二

列傳第十六

劉頌

舊臣因所籍以盡公 籍當作藉然按尙書序疏及詩疏書籍籍田皆取義於假則知籍藉古字通用故籍藉爲籍籍狼藉爲狼籍

所以衛下之權 御誤衛

小在難期 句有脫誤

然黔首感恩懷德謳吟樂生必十倍於今也 句首當作然後

列傳第十七

傅玄 子咸

必將以此見怒 怒當爲恕形之誤

列傳第十八

段灼

如州郡雖下功高不封 下衍文涉上雖下功必侯而誤

閻纘

光祿大夫劉實 當作劉寔

然臣故莫從良有以也 句首當作然則

列傳第十九

阮籍兄子咸 裕

與從子修特相善 修當照本傳作脩

乃終日酣觴 賜談觴

列傳十九 十九上宜補第字

列傳第二十

曹志

議所不敢 義誤議

庾純

如此則爲禮禁正直而陷入以詐 入當作止人

列傳第二十一

皇甫謐 子方回

大夫物情 失誤夫

摯虞

以明天任命之不可違 任衍文按賦信天任命兮理乃自得
或天上脫信字

束皙

是上諱登朝而競赴林薄 句首當作是故

田諸苑牧 宜作苑牧此苑之苑苑囿之苑古未見有相通者
豈利之所以會哉 句有脫誤

列傳第二十二

華譚袁甫

甫附譚傳不別爲篇目宜刪

將就無爲而又治至於律令當有所損益不 又當作又屬上

句

列傳第二十三

愍懷太子

子彪

臧

尚

太子下脫通字宜照總目補

六月己卯葬于顯平陵 惠帝紀作六月壬寅

臧字敬文永康元年四月封臨淮王己巳詔曰咎徵數發姦回作變通既逼非命而沒今立臧爲皇太孫 按惠帝紀立臧爲皇太孫尚爲襄陽王在五月己巳四月宜作五月

尚字敬仁永康元年四月封爲襄陽王永寧元年八月立爲皇太孫 四月宜作五月說見上立尚爲皇太孫紀作五月

列傳第二十四

陸機

劉翁因險以飾智 文選作劉公按辨亡五等諸文間與文選
不合得失互見茲仍其舊

將爲吾爲首鼠避賊 上爲當作謂

列傳第二十五

夏侯湛

于不嫌僕德之不劬 子誤于

潘岳

從子尼

瓊釵入藥 按文選作八藥注釵鉗也八藥鉗飾也宜從文選

有期進者 其誤期

當試撰而述之 嘗誤當

頌曰 當作箴曰

若之何勿徵 上云亦喪邦有徵此當作懲

張載 弟協

蓋聶政與荊卿爭勇 蓋衍文

故饑夫庸隸故下脫有字

布飛羅 文選作飛羅於韻較協

列傳第二十六

孫楚 子眾 洵 纂 纂子統 統弟緯

楚三子無傳

目宜刪當云孫統統弟緯

惠帝初爲馮翊太守太康三年卒 大康武帝年號惠帝初始
爲馮翊太守不應卒年反在太康按惠帝紀有元康永康永康
無三年當作元康

子嗣有綽風 子某脫名

列傳第二十七

胡奮

封夏陽子 武帝紀作陽夏

烈屯於萬斛埵 當作萬斛埵

列傳第二十八

周處 子玘

義興陽羨人也 按玘傳帝以玘頻興義兵別置義興郡以彰其功處傳不得豫稱義興蓋吳興之誤地理志割吳興之陽羨是也

潛結前南平內史王矩 矩傳作南平太守按當作太守

密遣使告鎮東將軍劉準 惠帝紀及陳敏等傳皆作征東將軍

乃以陽羨及長城之西鄉 西鄉地理志作北鄉

周訪

子撫

撫子楚

楚

仲孫

弘入南康太守將率兵逆擊又破之 當作弘將入南康太守率兵逆擊又破之

撫與龍驤將軍朱壽擊破斬之 按穆帝紀及庾翼朱序等傳當作朱壽即翼父西司馬序之父也

殺征虜將軍楊謹 謙誤謹

蜀盜李金銀 廢帝紀作李金根

虓遂降于安 符堅載記虓降于彤

復除仲孫監益豫梁州之三郡 廢帝紀作益梁二州

列傳第二十九

汝南王亮

楚

總目作汝南文成王亮按目錄之例諸

王或書國或書諡皆照本傳首句今汝南王傳首句書諡
目錄亦宜照本傳書諡與楚隱王傳篇目同又按安平獻
王傳附傳目皆書諡則此宜書諡明矣

子義立 孝武帝紀作義

趙王倫

言是服劉鳥 五行志作服留

召東平王懋爲使持節衛將軍 楸誤作懋

會等與義軍戰于激水 惠帝紀作湫水

齊王罔 當作齊武閔王罔說具汝南王亮傳曰

會成都軍破倫眾於黃橋 按長沙王乂傳成都王穎復乂書
曰雖黃橋之退而溫南收勝穎本傳曰趙驤至黃橋爲倫將所
敗未及溫十餘里復大戰倫將奔潰是黃橋之戰成都軍敗不
應成都反破倫軍疑黃橋是溫之誤

路秀小黃公衛毅陰平公 惠帝紀路秀作路季陰平作平陰

幽其子淮陵王超 惠帝紀淮陵作淮南按淮南王允傳齊王

罔以子超繼允後又宗室別有淮陵王淮超所封宜作淮南

光熙初追冊罔曰今復王本封命嗣子還紹厥緒 按惠帝紀

罔子超復封嗣爵在永興二年不在光熙

長沙王乂 當照總目作長沙厲王乂說具前

成都王穎

冀州刺史李毅 惠帝紀作豫州刺史李毅

左將軍王輿 左下脫衛字

永興初左衛將軍陳眕 紀作右衛將軍

平北軍王浚 寧北將軍東廐公騰 平北本紀本傳皆作安北

寧北本紀作平北

與騰及烏丸九錫朱龍祖 錫朱浚傳作渴末

河間王顒

代梁王彤爲平西將軍鎮關中 惠帝紀作鎮西將軍

左衛將軍陳珍 當作右衛說具成都王穎傳

總統樓表王閭等諸軍 樓表西走 惠帝紀樓表作樓表

東海王越 當照總目作東海孝獻王越說見前

給溫信五十人 各傳皆作恩信疑恩誤作溫

太安初帝北征鄴 宜作永安卽永興元年也

毗及宗室三十六王俱沒于賊 懷帝紀作四十八王

列傳第三十

李含

後嗣聞三王兵盛 按三王者齊成都河間也河間所聞當云

二王嗣本傳作二王

張方

青蓋素升三百人 升未詳疑升字之誤

閻鼎

時劉聰向長安 當作劉曜據聰載記

賈疋

愍帝以疋爲驃騎將軍 愍帝當作懷帝按本傳疋後破劉曜
迎秦王奉爲皇太子秦王後立爲愍帝此時不得先有愍帝
西平太守竺恢 新平談西平據麴允傳劉聰載記

列傳第三十一

周浚 子嵩 載

覬嗣爵 覬談覬

代劉準爲鎮東將軍 諸傳皆言準爲征東將軍鎮東當作征
東

荀晞

後高密王泰討青州賊劉根 按此句直貫至時人擬之韓白
當作後助高密王簡討青州賊劉柏根脫去助字疑晞傳誤入
高密王事高密王泰已於元康九年薨被劉柏根所逼是泰子
孝王略略紀傳皆作簡然簡奔聊城王浚遣將斬柏根皆在惠
帝末年上文晞破汲桑定鄴在懷帝永嘉元年已斬柏根之後
不應其後又有高密王討劉柏根事當是柏根已死而晞助討
其餘黨也

破汲桑故將公師藩 按藩是成都王穎故將汲桑始與石勒
亡命歸藩不應藩反爲汲桑故將當作破汲桑及成都王穎故
將公師藩

豫章王端及和郁等東奔晞 按懷帝紀京師陷郁與吳王晏

等皆遇害不應後又與豫章王東奔

劉喬

乃宣詔使鎮南將軍劉弘征東大將軍劉準平南將軍彭城王
繹 惠帝紀劉輿傳及弘本傳鎮南下皆有 大字彭城王本傳
及諸紀傳皆作釋

又遣劉弘劉準彭城王繹等 繹當作釋說見上

琨自滎陽率兵迎越遇祐眾潰見殺 文似琨遇祐眾潰而見
殺非是當作遇祐祐眾潰見殺與下喬眾遂散句事理乃合

列傳第三十二

劉琨 琨子羣 琨兄興 總目子羣上無琨字

京師人事無不傾心 士誤事

又斬呂超降呂朗 據惠帝紀及本傳盧諶崔悅表文呂超乃
石超之誤

西禦疆虜 疆誤著土

移居陽邑城 懷帝紀劉聰載記皆作陽曲

及勰允收劉曜斬趙冉 冉勰允等傳及劉聰載記皆作染

咸以爲并州之地四塞爲固且可閉關守險畜資養徒抗辭厲
聲忠亮奮發以爲天子沈屨而不隕身死節情非所安 上以
爲州人以爲下以爲現以爲也抗辭厲聲上脫現字

平南將軍彭城王繹 釋誤繹說具劉喬傳

督建威將軍呂朗 惠帝紀作建武將軍呂朗

祖述

李距 矩誤距

列傳第三十三

邵續

遺書要續俱歸元帝 遺誤遺

又遺騎入散勒北邊 當作散入勒北邊

段匹碑

以務勿塵子疾陸眷襲號 從弟末杯 石勒載記之就六眷
疾六眷卽疾陸眷也王浚傳勒記之段末杯劉琨傳之段末波
卽段末杯也音轉相岐宜從一律

惟末波存焉 末波卽末杯一傳之中不應兩岐波宜作杯

魏浚 族子諱

本喬居京兆陰磐 地理志陰般諸傳皆作陰盤又岐作陰磐
本書磐石皆作盤石則陰般不得作磐

郭默

默與石恩戰敗 當作石聰

列傳第三十四

武十三王

如齊獻文王攸故事 細檢本傳暨諸王傳惟云齊獻王不云
齊獻文王文衍文

鄴入篡帝位 篡當作纂東海王沖傳云入纂大業義與此同
城陽懷王景字景度出繼叔父城陽哀王兆後泰始五年受封
六年薨 東海沖王祗字敬度泰始九年五月受封殤王薨復

以沖繼兆其年薨時年三歲 泰始九年五月當作九年三月
復以沖繼兆當作以祗繼兆 按十三王傳無城陽殤王憲祗
傳云殤王薨復以祗繼兆是泰始六年城陽懷王景薨後先以
憲繼兆殤王憲薨後復以祗繼兆本篇景傳之下祗傳之上本
有城陽殤王憲傳後人因兩城陽王而誤削其一也宜照武帝
紀補殤王憲傳云城陽殤王憲字某某懷王薨以憲繼兆泰始
七年五月受封其年八月薨

淮南忠壯王允 按允傳及後吳孝王晏傳皆宜在代哀王演
傳後允傳誤在前晏傳誤在後宜照總序列正

新都王該 王上脫懷字

吳敬王晏 總敘作孝王按晏傳宜在代哀王演傳後說具上

元四王

太宰長史庾藉 藉當作倩照庾冰傳

簡文三子 當照總目作三王

以武陵威王曾孫寶爲嗣 孝武帝紀作武陵王孫寶按簡文
武陵兄弟不當以武陵曾孫嗣簡文子也

軌容者外 著誤者

左將軍謝珍 右誤左

章安太守孫泰等 孫恩傳作新安太守

繼在前軍 繼於義當作繫然古者繼繫相通後漢書李固傳
羣下繼望卽維繫之義本書繼繫係系四字往往通用茲承其
舊

以臨川王寶子脩之爲道子嗣 於是脩之歸于別第 修之復爲嗣 數行之中不宜異文修當一律作脩

列傳第三十五

王導

子悅子謚

恬

洽

協

劭

符

洽

子珣

貤

劭

照傳洽子珣珣當在協上下當云洽弟協協子謚協弟劭蓋謚本劭子嗣爲協後劭傳不復有子謚文不得復云劭子謚也

故周禮卿大夫獻賢能之書於王 鄉誤卿

加大司馬假黃鉞中外諸軍事 中外諸軍上宜補都督二字

轉輔國將軍吳國內史 孝武帝紀作吳郡太守

列傳第三十六

劉弘

匹矢之之 夫誤失

永興三年詔進號車騎將軍 按惠帝紀永興二年已稱弘車騎大將軍進號當在二年又永興三年卽光熙元年也

陶侃

弼將王貢 細檢愍帝紀及杜弼傳此行以下皆王貢事愍帝紀建興元年弼別將王眞襲沌陽荊州刺史周顗奔于建康本傳侃遣參軍王貢告捷于王敦卽在顗奔亡之時可知各自一人貢雖後與杜曾反侃歸弼然愍紀所稱弼別帥襲侃於林鄣又爲侃所破於巴陵及弼傳領精卒三千爲奇兵出江南向武陵者皆王眞非王貢也貢眞形近相亂下文貢宜照改作眞

以咸和六年卒 元年誤六年

卞壹

揚州大中正侍中平望亭侯燁 陸暕也宜照本傳改從日旁

下同

劉超

超代趙盾爲左衛將軍 明帝紀盾超皆爲右衛將軍左宜作

右

忠臣曰 史誤忠

卓臨南服詹蒞西州 應詹爲江州刺史在南甘卓爲梁州刺

史在西又本傳詹前卓後卓詹二字宜互易上下

列傳第四十一

孫惠

惟明公咨淑哲之才 咨當作資

列傳第四十二

郭璞

夫攀驪龍之髯撫翠禽之毛者而不得絕霞肆跨天津者未之

前聞也 上者衍文

焦光

元本先

混沌而槁杌

按先卽上所云希風乎嚴先也嚴謂

嚴平光宜從元本作先

下順物清

情誤清

則當授畀裔土 當作投畀

葛洪

後以師事南海太守上黨鮑玄玄亦內學逆占將來見洪深重之以女妻洪 洪妻父一作鮑靚按藝術傳靚字太玄官亦至南海太守疑一人而此誤稱字也

列傳第四十三

庾亮

弟

冰

翼

繹當作懌

戰于建陽門外

庾帝紀作宣陽門內

巴郡太守黃植

庾帝紀作黃桓

亮當率大眾十萬據石頭城

頭衍文按建鄴之石頭襄陽之

石頭自是兩地石頭閒著城字後世誤合爲一故建鄴石頭遂

有莫愁艇子之誤

尋拜司空

按庾帝紀亮拜司空在遣軍伐蜀邾城被陷之先

出補吳興

元作國

內史

宜作國成帝紀作吳郡太守吳郡卽吳

國郡稱太守國稱內史吳興不得稱內史也

於是以本號除都督江荆寧益梁交廣七州豫州之西郡軍事
康帝紀作都督荆江司雍益梁六州諸軍事無豫州之西郡
地理志豫州亦無西郡蓋四郡之誤

太和中希爲北中郎將徐充二州刺史 太和中當作隆和初

破蜀將李桓於江陽 康帝紀作李恆

列傳第四十四

桓彝

銘

石虔

振

石民

沖

新野義成二郡太守 義成地理志作義城本書城成通用茲
仍其舊桓沖傳同

而南陽督護趙弘趙憶等逐太守桓淡據苑城以叛南陽無

苑城蓋宛城之誤按蘇峻傳有苑城蓋據苑爲城本書所謂

宮城南北史所謂臺城也不在南陽

苻堅荊州刺史梁成載記作都貴

太元十三年卒紀作十四年

後與該子宏安帝紀及劉毅劉敬宣桓玄傳俱作苻宏爲是

石民遣南陽太守高茂衛山陵河南誤南陽

孝武帝詔沖爲中軍將軍都督揚江豫三州軍事揚豫二州刺

史揚豫二州紀祇作揚州

遷都督江荆梁益寧交廣七州揚州之義成雍州之京兆司州

之河東軍事孝武帝紀江荆作荆江無揚州以下

時薨始遭兄邵喪 劭誤邵

堅使其將郝貴守襄陽 都貴誤郝貴

列傳第四十五

王湛

世之

亦不必異所生 必不誤倒

荀崧

葵

學者好之稱公羊高親受子夏

稱衍文或當云學者好稱之

尋遷建威將軍吳國內史除北中郎將徐州刺史監徐兗二州
揚州之晉陵諸軍事 建威穆帝紀作建武監軍事無揚州之

晉陵

及慕容儁攻段蘭於青州

段蘭當作段龜龜蘭之子下同

升平二年卒 按穆帝紀是年十二月羨及慕容儁戰于仕在
不云卒也羨卒無文當在升平三年

范汪

除都督徐兗青冀四州揚州之晉陵諸軍事 穆帝紀作徐兗

青冀幽五州無揚州之晉陵

從容講肆 肆當作肆

韓伯

豈不同心於降挹洗之所滯哉 句末有脫誤

列傳第四十六

王廙 弟彬 彬子彪之

舍不從 含誤舍

雖緝熙之隆康哉之歌未可使庶官之選差清莅職之日差久
無奉祿之虛費簡吏寺之煩役矣 未可使句不接疑有脫誤
或未可二字屬上句云雖緝熙之隆康哉之歌未可遽致但使
官選差清莅職差久則亦可無奉祿虛費吏寺之煩役然句法
殊冗弱

顧眾

敦長史陸琬在坐 玩誤琬

雖仲山甫何以如之 如當作加

眾從弟護軍將軍颺 王舒傳作護軍參軍按作參軍爲是

吳興內史虞潭 本傳暨王舒傳俱作太守爲是張閭傳同

列傳第四十七

陸隄

弟玩

總目作弟玩無隄

薨年六十四

據蔡謨諸葛恢傳句下宜補贈太尉三字

何充

加散騎常侍領軍如故

領軍宜作護軍

褚熒

郡人逞惑

逞宜作惶不逞之逞於義爲暇不可以通惶恐之

惶字或作皇誤加是也

諸葛恢

成帝踐阼加侍中金紫光祿大夫卒年六十二

成帝之崩恢

受顧命安得恢卒反在成帝踐阼後邪按紀恢以穆帝永和元年卒加官當在康帝建元之初康誤作成

殷皓 順悅之

建武將軍劉遜據倉垣 按穆帝紀作劉逢彤誤作遜

子凱之別有傳 本傳作愷之

列傳第四十八

孔愉 世

坦與司馬司徒陶回 回爲司徒王導司馬官名誤倒

於是遷吳興內史 當作太守張茂傳同

丁潭

春秋之事 時誤事

陶回

回復謂亮曰 上無所承亮宜加庾

列傳第四十九

謝尙

初苻健將張遇降尙 按遇本石氏故將永和七年及冉閔以
許昌歸順後爲苻雄所虜始歸苻氏此不得云苻健將也

升平初又進都督豫冀幽并四州 穆帝紀永和十一年進謝

尙督并冀幽三州是年進號鎮西將軍今按傳進號鎮西在永

和中進督四州正在此時 按尙本督豫州由豫州進督并冀
幽三州故紀爲三州傳爲四州尙

以升平元年病卒不應進督四州反在升平之初又進都督云

云宜移接上進號鎮西將軍文下

謝安

安子珍 珍子混 安弟萬 萬弟石 安兄奕
奕子玄 石兄子朗 弟子選

總目子珍上無安字安弟萬萬弟石六字在奕子玄下

使袁弘具草 本傳及王彪之傳俱作袁宏

乃進都督揚江荆司豫徐兗青冀幽并益雍梁十五州軍事

益雍梁孝武紀作梁益雍涼

堅將句難毛當自襄陽來會 堅載記句作俱又按自襄陽來

會係王顯毛當俱難蓋堅所命寇淮陰盱眙者也襄陽之役無

難

高密內史毛藻沒 毛藻當照孝武紀苻堅載記作毛瑒之

斬其僞將都督顏 督衍文載記如此

玄潰丕米二千斛 潰宜作饋

韶爲黃門郎武昌太守 韶誤字當作仕

則字長度 此傳宜在石後按目錄石兄子朗弟子邈相連爲

文後人以萬傳有朗誤次萬後

征句俱 一作俱難說見前

列傳第五十

王羲之

子玄之 疑之

按傳玄之疑之不別爲篇目宜

刪

因以與浩書以戒之 上以衍文

列傳第五十一

王遜

遜使將軍姚崇鑿琛距之 姚崇明帝紀李雄載記皆作姚岳

桓宣 下脫族子伊三字

雅僉謂前數辱罵 雅衍文

以前後功封竟陵縣男 康帝紀作竟陵公疑進爵爲公而傳脫不書也

毛寶

子穆之

安之

孫璩

按傳璩次穆之目錄孫璩

當作穆之子璩在安之上

張貉渡三萬騎攻邾城 成帝紀作張貉后季龍載記作張賀度

尋除揚威將軍

穆帝紀作揚武按下云升平初遷督寧州諸

軍事揚威將軍可知先除揚武後進揚威此當作揚武爲是

俄而季之述之皆病

下之衍文述羅述也

振遣桓放之爲益州屯西陵 桓玄傳作屯夷陵爲是

劉遐

遷散騎常侍監淮北軍事北軍中郎將徐州刺史 北中郎將
誤衍軍字

鄧嶽

咸康三年嶽遣軍伐夜郎破之 二年誤三年

朱序

寧康初拜使持節監河中諸軍事南中郎將梁州刺史鎮襄陽
寧康當作太元

加都督司雍梁秦四州軍事 孝武帝紀作雍梁河中九郡雍
州刺史

列傳第五十二

王長文

未遘陸績君出耳 陸績君出不成文按上桓譚陸績並引桓
譚字君山君出蓋君山之誤

司馬彪

語在郊祀志 本書有禮志無郊祀志禮志亦不載彪議

干寶

以才器召爲著作郎 著作上脫佐字

莫不必書 季直引王鳴盛云必當作有

列傳五十二 五十二上脫第字

列傳五十三

顧和

遷散騎侍郎尚書吏部 吏部下脫郎字

袁瓌 質

自漢至質五世 煥誤漢

殷覲折之以正色 顗誤覲

列傳第五十四

王恭

乃以恭爲都督兗青冀幽并徐州晉陵諸軍事 劉牢之傳多

揚州按宜加揚州以統晉陵

劉牢之 子敬宣

及堅將句難南侵 堅載記作俱難

牢之與沛郡太守田次之追之 田次之孝武紀作周次

與廣陵相高雅之俱奔慕容超 超當作德

安帝反政 反政當作反正

殷仲堪

覬自遜位 顗誤覬

玄從兄修 修當照本傳作脩下後並同

楊佺期

遷唐邑太守 堂邑誤唐邑

昔與佺期勸殷仲堪殺殷顗 殷顗誤殷覬

列傳第五十五

劉毅

震駭京邑 邑誤色

玄將郭銓劉雅等襲陷尋陽毅遣武威將軍劉懷肅討平之

劉雅卽下潯州刺史劉稚也按玄傳郭銓劉雅作劉統馮稚郭銓時已歸降當從玄傳桓振傳同玄傳武威安帝紀玄傳俱作建威爲是

毅又攻校遷陵斬玄太守劉叔祖於臨嶂 零陵誤作遷陵臨

漳誤作臨嶂

愍帝諱鄴改鄴爲臨漳

持節將軍常侍如故 按本傳無爲常侍文當云持節將軍如故

命王弘王鎮惡蒯思等 蒯思誤蒯思

諸葛長民

妖賊伐船集本 當云伐木集船

何無忌

會稽世子元顯子彥章 安帝紀元顯傳俱作彥璋

攻桓蔚於龍泉 玄傳作龍洲爲是

封安城郡開國公 安帝紀及本傳贊俱作安成一篇之中不宜異文宜作安成以合地志餘不悉校

列傳第五十六

張軌

軌字寔

重華

天錫

總目子寔上無軌字宜刪

今宜悉徙以後絕患 絕後誤例

疑承輔粥 承當作丞

大夏護軍梁式 宋矩傳作梁彧

俄而麻秋進攻枹罕與晉陽太守郎坦 與衍文晉陽當爲晉興張氏分郡無晉陽有晉興晉興統枹罕等十縣

武城太守張俊曰 宣照地理志作武成以別於充冀等州之武城

使張弘宗悠 宗悠苻健載記作宋脩

健遣苻碩禦之 雄誤碩

羌廉岐自稱益州刺史 苻堅載記作斂岐

遣子純求救於苻堅 堅載記作兄子純

苻堅遣其將苟萇毛當梁熙姚萇來寇 毛當苻記作毛盛

龍驤將軍馬達 苻記作馬建下同

征東常據 苻記作掌據

列傳五十六 五十六上脫第字

列傳第五十七

涼武昭王李玄盛

子士業

明盛繼統 寔諡曰昭茂諡曰成明盛蓋昭成之誤

且渠蒙遜來侵 本載記作沮渠字本作且茲仍其舊下同
乃冥合而一住 往誤住

索僊爲征虜將軍 僊當依前傳作仙

士業諸弟酒泉太守醢 醢當依下文作翻

列傳第五十八

孝友

庾袞

其間復撫柩哀臨不輒 輒當爲輟

列傳第五十九

忠義

嵇紹 從子舍

又與成都王穎交戰 又誤又

桓雄

有畏憚之色 憚誤憚

沈勁

興寧三年留勁以五百人守城 據哀帝紀事在興寧二年

列傳第六十

夏吏

魯芝

行安南太守 地理志無安南郡秦州有南安郡領獫狁道新興

中陶三縣按南安天水同屬秦州故下就近轉天水太守也當作南安

鄧攸

久之遷尚書右僕射咸和元年卒 明帝紀作左僕射咸和元年文亦作左僕射

列傳第六十一

儒林

劉兆

因爲辯釋疑者是非耳 耳衍文

韋謏

一夫不可忤 忤宜依本文作狙

列傳第六十二

文苑

應貞

發彼互的 文選作五的按此篇各傳中辭賦多有與文選不同處但正其誤字不校其異同

趙至

蒨華藕於修陵 極聽修原 修皆當作脩長也之脩
翱翔倫黨之間 翱翔當照文選作翱翔

曹毗

則俗非不可以苟從 俗衍文對上則是不必以合俗句

伏滔

而王陵首謀 陵當作凌下同

陽都之美 當作揚都庾剛有揚都賦爲世所重

列傳第六十三

外戚

褚裒

無疑

元作宜

內示私親之舉 按作宜爲是無宜猶不宜也

先遣督護徐龕伐沛 穆帝紀作王龕爲是

爲石遵將李萑所敗 穆紀及載記李萑作李農爲是

王遐

簡順皇后父 簡下脫文

褚爽

夾子秀之炎之喻之 南史炎之作淡之喻之作裕之按晉武帝諱炎裕之名與宋武帝同故當時以字行宜從南史爲是
列傳第六十四

隱逸

夏統

不覺寒毛盡戴 戴疑戰之誤

范粲

哀慟左右 慟當作動

霍原

原與王褒等俱以賢良徵 褒當作良

龔壯

譚思文章 覃思之覃不从言旁

宋纖

祚道其太子太和 祚傳作泰和

陶潛

祖茂武昌太守 按潛之祖侃之子也侃傳無茂當在十七人之數

列傳第六十五

藝術

陳訓

嘗聞訓以官位 問誤聞

郭磨

遂與光僕射王祥起兵作亂 王祥呂光載記作王詳
乃推王乞基爲主 光載記作王氣乞機

列傳第六十六

列女

羊耽妻辛氏

憲英謂耽從子祐曰 按耽從子卽叔子也祐傳云事叔父耽
甚謹祐蓋祐之誤下同

周顗母李氏

惟阿奴碌碌當在阿母目下耳阿奴謨小字也 按顗傳顗謂
弟嵩曰阿奴火攻固出下策耳似謨小字阿奴未知孰誤

王凝之妻謝氏

復有封胡羯末 謝萬傳作封胡羯末

韋逞母宋氏

時稱韋氏宋母焉 當作韋母宋氏

列傳第六十七

四夷

爰制地而疏疆 疆誤疆

東夷

夫餘國

遣督郵賈沈以兵送之 當照慕容廆載記作督護賈沈

辰韓

初生子便以石押其頭使扁 押當作壓聲之誤

肅慎氏

西接寇漫汗國 卽下寇莫汗國漫莫聲轉

西戎

吐谷渾

樹洛干

乖別甚異 易誤異

乞伏乾歸甚忌之率騎二萬攻之於赤水樹洛干大敗遂降乾

歸 按乾歸載記赤水敗降作吐谷渾支統阿若干

其後屢爲乞伏熾盤所破 熾盤當照下一律作熾磐

龜茲國

其王白純距境不降 呂光載記作帛純

南蠻

林邑

扶南

林邑扶南下皆宜照篇目補國字

林邑國

文日南西卷縣夷帥范椎奴也 宜接奴文纂位爲一篇另爲

篇者宜照吐谷渾目錄下補子目體例方一

北狄

匈奴

殺害長史 長吏誤長史

夫宵彤稟氣 肖誤著六

列傳第六十八

王敦

沈充

沈充本篇有目此宜刪

桓溫

以溫爲都督荆梁四州諸軍事 穆帝紀作荆司雍益梁益六

州

獲撫軍大將軍會稽王晃書 昱誤晃

健又遣子生弟雄眾數萬屯嶢柳愁思提以距溫 穆帝紀云
溫及討健子萇載健載記云健遣子萇率雄萇等不云遣生又
嶢柳愁思提健載記作堯柳城愁思堆堆古作提蓋地之誤
雄又與將軍桓沖戰白鹿原又爲沖所破 按白鹿原之戰帝
紀載記皆云王師敗績不應雄反爲沖所破豈白鹿原有二役
邪

健以五千人深溝自固 載記云胤卒六千

溫六子熙濟韻禕偉玄 韻當作欽下同

孟嘉

亮引聞風俗得失 問誤聞

列傳第六十九

桓玄

用殷覬爲荊州 覬當作顗

桂陽郡公賜兒子俊 俊當作濬 啓之誤

以玄脩兄弟 玄衍文謂謙脩兄弟也玄或謙之誤

加桓脩散騎常侍撫軍大將軍 大衍文據本傳

公侯之號加故 如誤加

武衛將軍庾稚祖 安帝紀作庾祖

玄故將劉統馮稚等 劉毅傳作郭銓劉雅

達枚回洲 紀作鮑盤洲

八十日而冠菱具 冠菱疑卽冠綬

殺於臨鄣斬僞零陵太守劉叔祖 臨鄣當作臨漳

列傳第七十

王彌

安北將軍和郁 安北懷帝紀作征北

張昌

昌乃沈寔於下雋山 當作昌及沈

陳敏

揚州刺史劉機丹楊太守王廣等 惠帝紀顧榮傳皆作丹楊

太守王曠

榮傳作丹楊內史丹楊非王國當作太守

按懷帝紀王彌傳淮南內史王

曠卽其人

王如

於是南安龐實馮翊嚴嶷長安侯脫等 南安龐實懷帝紀作

新平人龐實

杜曾

會愍帝遣第五猗爲安南將軍荊州刺史 安南將軍周訪傳

作征南大將軍

杜弢

言於刺史苟眺曰 懷帝紀作苟眺

蘇峻

加奮威將軍太監初更除臨淮內史 明帝紀作奮武將軍臨

淮太守

督護李閎及輕車長史滕含擊破之

郗鑒傳作參軍李閎成

帝紀作建威長史滕全

晉書校勘記卷四

番禺黎永椿劉昌齡校字

晉書校勘記卷五

海門周家祿撰

載記第一

劉元海 照總目下脫子和劉宣附目按總目各載記之前並列僭國僞號本篇省不書茲仍其舊餘並同

并州刺史東瀛公騰 本傳及諸紀傳皆作東瀛宜從一律

劉和 和記蒙上爲文與聰子粲石勒子弘記並同劉和目錄宜刪別照總目作子和小字目附劉元海下

劉宣 照總目及後蜀李庠止燕馮素弗等傳之例劉宣宜作小字目附劉元海子和下下陳元達至尹緯傳目並同

載記第三

劉聰 子繁 下脫陳元達

及將軍衛雄姬潛等 姬潛劉琨傳作箕潛石勒載記與此同
進封晉王會五都 郡誤都

月爲胡王皇漢雖苞括二京龍騰九五然世雄燕代肇基北朔
太陰之變其在漢域乎 右釋三日並照何以日月爲胡王又
曰太陰之變疑上三日是三月之誤然按帝紀三日並照事在
愍帝建興二年康相所陳卽此事其非三月可知未詳所誤
大司馬濟南王驥 景顗勒皆書姓何以驥獨不書姓驥上宜
補劉字按本載記劉聰劉曜皆書姓則驥當書姓明矣

載記第三

劉曜

曜以大興元年僭卽皇帝位 大興卽太興大宜加點

宗廟社稷之祭不得殺牛 當云非宗廟社稷之祭不得殺牛
故下云犯者皆死不然宗廟社稷之祭有國者主之又誰得而
犯其禁令耶

曜前軍劉黑大敗李龍將石念於八特坂 念卽石聰當作聰
曜遂濟白太陽 地理志作大陽

而我殺石生 石生故存何以云殺蓋石瞻之誤

始元海以懷帝永嘉四年僭位至曜三世凡二十有七載以成
帝咸和四年滅 元海僭位載記及懷帝紀皆作永嘉二年四
年僭位乃劉聰事按永嘉二年至咸和四年共二十二年

永嘉六年

建興五年建武一年太興四年永昌一年太寧三年咸和四年
爲二十四年而永嘉之七年卽入建興元年建興之五年又入
建武元年故誤作二十七年

載記第四

石勒上

大安中 當作太安

北澤都尉劉監 北澤當是北部之誤元海載記所謂五部皆
以劉氏爲之者也

濮陽太守苟晞 按晞傳時已爲兗州刺史前後無爲濮陽太
守文當作兗州刺史苟晞

乞活田禪 田禪當作田鄧據東海王越傳下同

冀州刺史丁紹 越傳作丁劭

莫突爲都督部大 上云馮突莫誤倒爲莫突

滎陽太守裴純奔於建業 紀作建鄴按晉世分秣陵爲建鄴
改業爲鄴當作建鄴爲是

會浚將王甲始 懷帝紀作王申始

晨壓苑門 王如傳作宛門按時侯脫據宛勒又屯於宛北山
苑門必宛門之誤

太守楊岨棄郡而走 楊岨懷帝紀作楊珉

任城王濟 齊王韶 濟當作濟下同超誤韶

勒歸攻彌曜 攻當作功聲之誤勒與彌曜相攻在後

屯于葛陵 據下文當作葛陂

及鮮卑段就六眷末柱匹碑等 段就六眷卽下疾六眷也就

疾音轉一篇之中不容相歧空改爲疾

攻乞活李偉於上白 李偉愍帝紀王浚傳皆作李恢

劉琨遣將軍姬澹率眾十餘萬討勒 姬澹琨傳作箕澹

回移居易涼 易涼未詳河間國有易城

晉彭城内史周堅 元帝紀作周撫

左右司馬張屈六程遐 張屈六卽十八騎中支屈六支張聲

轉之誤

載記第五

石勒下 子弘 下脫張賓

時晉征北將軍祖逖據譙 元帝紀及逖本傳征北當作平北

晉兖州刺史劉遐懼自鄒山退屯於下邳 按元帝紀鄒山退

守乃郗鑒事劉遐爲兗州當在鑒入爲尚書令之後一時不得
有二刺史劉遐當作郗鑒

征北將軍祖約懼 元明帝紀及約本傳皆作平西將軍

石瞻攻陷兗州刺史檀斌於鄒山斌死之 石瞻明帝紀作石
良斌作贊

害下邳內史夏嘉 夏侯嘉誤脫侯字

龍驤將軍王國叛以南郡降於勅 晉龍驤將軍王國以南郡
叛降於堪 一事重出事在成帝咸和三年按兩文中固有咸
和三年改年太和文則敘在前皆當刪也又按成帝紀王國係
南陽太守則南郡又南陽之誤

左衛將軍斌太原王 按斌季龍子當與下季龍子邃等相次

晉書卷三
挺侍中梁王 挺次遂係季龍子而下文弘記大書季龍諸子
無挺疑有誤

以咸和七年死 成帝紀作八年

前鋒及挺大戰潼關敗績 文似前鋒敗績與下挺戰死季龍
退奔文不相應敗績宜作敗之訓前鋒戰敗挺也

詔以權爲鎮西將軍秦州刺史 成帝紀秦州作雍州

咸康元年幽弘及程氏并宏恢於崇訓宮 按成帝紀咸和九
年十一月石季龍弑石弘自立爲天王不應幽廢反在咸康元
年宜作咸和九年

載記第六

石季龍上

咸康元年季龍廢勒子弘 成帝紀作咸和九年說見上
季龍將張賀度攻陷邾城 成帝紀作張貉毛寶傳作張貉渡
晉將軍黃冲麻陽太守鄭進皆降之安於是掠七萬戶而還
麻陽成帝紀作義陽降之作死之爲是七萬戶作七千餘家
載記第七

石季龍下

子世

遵

鑒

下脫冉閔

永和三年 按以下季龍遣將伐重華降張冲剋武街執胡宣
及重華遣謝艾擊敗麻秋事穆帝紀皆在永和二年

建天子旌旗十有六軍戎卒十八萬 十有下脫二字

率眾攻陷下辦 辦當作辯

季龍始以咸康元年僭立至此太和五年凡在位十五歲

按

穆帝紀季龍死在永和五年咸康元年至永和五年正十五歲若廢帝太和五年則季龍死久矣

始勒以成帝咸和三年僭立二主四子凡二十三年以穆帝永和五年滅按咸和三年至永和五年共二十二年據穆帝紀冉閔弑石鑒在永和六年則正是二十三年也

冉閔 閔記蒙上爲文安照總目作小字目附季龍子世遵鑒下

閔兗州刺史劉啟以鄆城歸順 閔穆帝紀作石祗

豫州牧冉遇 穆帝紀作張遇符健載記亦作豫州刺史張遇載記第八

慕容廆 下脫裴疑高瞻

又率眾東伐扶餘 扶餘四夷傳作夫餘下同

尋加使持節都督幽州東夷諸軍事車騎將軍平州牧 幽州

元帝紀作幽平二州

載記第九

慕容皝 下脫慕容翰陽裕

三年遣其世子儁與恪率騎萬七千東襲夫餘剋之 三年上

脫年號按之當爲永和也

載記第十

慕容儁 下脫韓恆李產產子績

幽冀并平四州牧 穆帝紀作幽平二州

北中郎將謝萬 西中郎將誤北

載記第十一

慕容暉 下脫慕容恪陽鶩皇甫真

害揚威將軍沈勁 廢帝紀作揚武將軍

每欲埽平闕隴 闕誤闕

苻堅將苻謗據陝降於暉 謗苻堅載記作庾下同

始廐以武帝太康六年稱公至暉四世暉在位二十一年以海

西公太和五年滅通廐號凡八十五年 按廐始以太康十年

徙居青山永嘉之初自稱大單于建武初元帝承制拜廐昌黎

公讓不受及卽尊位重申前命固讓公封直至裴疑獻三國之

捷朝廷始遣使拜廐遼東郡公事在太興四年安得武帝太康

六年已稱公邪武帝太康六年當作元帝太興四年太興四年

至太和五年凡五十年

皇甫真 宜作小字目附慕容暉下說具上劉宣篇目

潛結匈奴左賢王曹載 苻堅載記作右賢王

載記第十二

苻健

又敗張先於陰槃 地理志作陰般紀傳多作陰盤又作陰磐
陰槃輾轉相岐宜從一律

與晉鎮西將軍謝尚戰於潁水之上 鎮西當作安西尚爲鎮
西在後

宋脩 張重華傳作宗悠

距溫於堯柳城愁思堆 溫傳作曉柳愁思堆

苻生 下脫苻雄王墮

生字長生 宐作苻生字長生總目與洪健並列與和粲附元海聰記者不同

載記第十三

苻堅上

強汪爲領軍將軍 汪當作注下同

匈奴右賢王曹穀 廢帝紀作曹穀

羌敍岐叛堅 張天錫傳作廉岐

遣兄子純謝罪於堅 天錫傳作遣子純

吐谷渾碎奚 辟奚誤碎奚

晉奮威將軍西蠻校尉周虓降於彤 西蠻校尉虓本傳作西

夷

左將軍毛盛 張天錫傳作毛當 按堅記毛當爲右將軍

遣將軍馬建 又遣將軍掌據 天錫傳作馬達當據

又遣後將軍俱難 卽苻生載記之范俱難也空加姓孝武帝
紀謝玄傳句難卽此人

與難超戰 當作與俱難超戰按俱難本作范俱難自紀傳作
句難本記作俱難茲又單舉難字幾疑其人姓俱名難空加補
正但相承已久姑仍其舊

荊州刺史都貴遣其司馬閭振 荊州刺史都貴桓石虔傳作
梁成司馬閭振孝武帝紀及桓冲桓石虔傳俱作襄陽太守閭
震

載記第十四

苻堅下 下脫王猛苻融苻朗

陽平公國之謀主 按苻融封爵稱平陽者二上記堅僭號加封及平顏說苻

洛稱陽平者二此及下當以平陽爲正

鷹揚郭銓攻武當 郭銓孝武帝紀作郭洽

衛軍從事中郎丁零翟斌反於河南 翟斌孝武帝紀作翟斌

晉西中郎將桓石虔 石民誤石虔

吾不用王景略陽平公之言 陽平當作平陽

并遣濟南毛蜀毛鮮等分房爲任於晉 分房未詳

妹爲左將軍竇衝小妻 妹誤妹

常爲冲軍所圍 常當作嘗

迫奔至於阿城 當作阿房城

苻融 宜作小字曰附苻堅下

周易坎爲水馬爲離 離爲馬誤倒

苻朗 宜作小字曰附苻堅下說並見上

後晉遣淮陰太守高素伐青州 淮陰謝玄傳作淮陵爲是

載記第十五

苻丕

重合侯苻謨爲征西將軍幽州牧 幽州不當爲征西按下文

云征北苻謨知西乃北之誤

苻登 下脫索泮徐嵩

登字文高 當作苻登字文高說見上

陛下與苻眉要路距擊 苻生載記與堅擊姚襄者作苻黃眉
攻姚當成於杏城 姚襄載記作姚當城

苻曜有眾一萬據逆方堡密應登 逆方堡姚襄載記作逆萬
堡疑萬古作万而誤爲万也

登遣子汝陰王宗質於隴西鮮卑乞伏乾歸 按下崇定皆死
定卽登所遣質子汝陰王也宗當作定

載記第十六

姚襄

襄字景國 當作姚襄字景國說見苻生苻登載記下姚襄載
記同例亦宜補姓

晉遣使拜襄持節平北將軍并州刺史卽丘縣公 卽丘穆帝

紀作平鄉

流人郭敦等千餘人執晉堂邑內史劉仕降於苻
穆帝紀作郭敞執陳畱內史劉仕

姚萇

擊平涼苻金熙 苻丕記作平涼太守金熙

諸將或欲因登駭亂欲擊之 下欲衍文

攻鎮東姚漢得於李閏 地志作李閏姚泓載記亦作李閏
載記第十七

姚興上

慕阮藉之爲人 本傳作籍

京兆韋華 安帝紀作韋禮

敏俱陷城固 地理志作成固

載記第十八

姚興下 下脫尹綽

後軍敏成 當作姚敏成下同

義熙十二年興死 安帝紀興死子泓嗣皆在十一年

載記第十九

姚泓

義熙十二年僭卽帝位 紀作十一年

讚至秦州退還仇池 退還上脫盛字

王師至城皋 城皋當作成皋下同

姚萇以孝武太元九年僭立至泓三世以安帝義熙十三年而

滅凡三十二年 按太元九年至義熙十三年凡三十四年按以太元十一年僭卽皇帝位至義熙十三年則正是三十二年載記第二十

李特 李流 李庠 據前趙載記和粲之例李流宜作

小字目附李特據前秦載記苻健苻生之例李流目錄宜在本記之前自此以下目錄皆總冠篇首其記文蒙上爲文者篇首亦皆作大字目錄與列傳及五胡載記之例微不同茲仍其舊

名曰務相性巴氏 性當作姓

同夷者 移誤夷

遣長吏費遠 史誤吏

費陀等 佗誤陀前有費佗後有費他

王懷等 琅誤懷

李流字玄通 據後班期壽勢及後涼纂隆後燕盛熙雲之例
空作流字玄通蒙上爲文體例方一

載記第二十一

李雄 李勢

范長生自山西乘素輿詣成都 西山誤倒

遜使其將姚岳悉眾距戰 姚岳遜傳作姚崇成帝紀別有神
將姚岳誤作一人

吾嘗慮石勒跋扈 嘗當作常

太守楊謙退保建平 楊謙成帝紀作陽謙

咸和八年雄生瘍於頭六日死 成帝紀雄死作九年

遷勢及弟福 桓溫傳作勢叔父福爲是

椎鋒累載 椎字當作推椎推古通餘不悉校

載記第二十二

呂光 呂纂 呂隆

拜驃騎將軍 符堅載記及藝術鳩摩羅什傳皆作驍騎呂光
按其時有驃騎張蚝一時不得有二驃騎當作驍騎爲是

進兵至焉耆其王泥流率其旁國詣降 按四夷傳焉耆國王
降光名熙

龜茲王帛純 四夷傳及鳩摩羅什傳龜茲王名皆作白純
語在西夷傳 按羅什語見藝術傳誤作西夷

距守高桐伊吾二關 高桐持丕記作高梧

南羌彭奚念 姚興記作西羌

乾歸從弟軻彈來奔 軻彈當作軻殫

田胡王氣乞機 藝術郭磨傳及禿髮載記俱作王乞基機基
同音通用氣古爲气今爲乞一字誤分當去其一

常與左右因醉馳獵於坑澗之間 玩文義常常爲嘗

纂在位三年以元興元年死 安帝紀纂被弑在隆安五年
隆以安帝元興元年遂僭卽天王位 紀作隆安五年

呂光以孝武太元十二年定涼州十五年僭立至隆凡十有三
載以安帝元興三年滅 按光以太元十四年僭卽三河王位
至元興三年當爲十有六載

載記第二十三

慕容垂

告丁零翟斌聚眾謀逼洛陽 翟斌孝武紀作翟遼

晉龍驤將軍劉牢之率眾救苻丕至鄴垂逆戰敗績遂徹鄴圍
退屯新城垂自新城北走牢之追垂連戰皆敗又戰於五橋澤
王師敗績 按孝武紀皆云王師敗績不云垂敗

載記第二十四

慕容寶 慕容盛 慕容熙 慕容雲 下宜補馮跋大

字目馮素弗小字目說具跋篇目

斬龍生等百餘人 當云龍之生等

衛中將軍馮跋 衛中跋記作中衛爲是

以安帝義熙二年滅 紀作三年

慕容雲字子雨 空去慕容

載記第二十五

乞伏國仁 乞伏乾歸 乞伏熾磐

置武城 空作武成說見張重華傳

義熙三年僭稱秦王 安帝紀作義熙五年僭稱西秦王

六年爲兄子公府所弑 公府弑乾歸紀作八年

後自南平逃而降興 南平當作西平

義熙六年熾磐襲僞位 紀作八年

後顯親休官權小成呂奴迦等 顯親漢縣晉名顯新當照地

理志改正

熾弊攻剋沮渠蒙遜河湟太守沮渠漢平以其左衛匹達爲河湟太守 河湟蒙遜載記作湟河爲是

熾弊在位七年而宋氏受禪 按上云義熙六年襲僞位又云僭立十年又云元熙元年立太子慕末元熙二年宋始受禪然則宋末受禪之前在位已十年矣義熙六年至十四年合元熙元年爲十年安得云七年而宋受禪乎七年當作十年

馮跋馮素弗

是篇空移接第二十四慕容載記後按馮

跋承慕容之餘緒又慕容載記論末云爲馮氏之驅除本篇贊文起常才以下接慕容氏贊韻亦協不知何時誤列乞伏載記後殊覺不倫

於是以太元二十年乃僭稱天王於昌黎 義熙五年誤作太

元二十一年又下云跋立十一年至是元熙元年義熙五年至元熙元年正十一年

得達敕勤 敕勒誤敕勤

載記第二十六

禿髮烏孤 禿髮利鹿孤 禿髮儁檀

徙顯美麗野二千餘戶而歸 麗野地理志作驪野

孝心可加 嘉誤加

衛尉伊力延曰 上有伊力延侯疑脫侯字

烏孤以安帝隆安元年僭立至儁檀三世凡十九年以安帝義熙十年滅 按隆安元年至義熙十年當作十八年

載記第二十七

慕容德

以明徵節 徵誤徵

肅朔將軍鄧敞方 安帝紀作鄧敞

四年僭卽皇帝位於南郊 紀作三年

德母兄光在長安 當作先在長安按德兄納超之父爲苻堅

廣武太守家於張掖故泓云若不奉太后勅止便卽西如張掖

謂至納所也光字誤

殿中師侯赤眉 師當作帥

其月死卽義熙元年也 安帝紀德死超嗣位皆在元興三年

載記第二十八

慕容超 下宜補慕容鍾封孚子目

慕容鍾 宜作小字曰附慕容超

慕容鍾字道明 按道明垂之字鍾既垂弟垂又僭號爲帝不應鍾與同字

封孚 宜作小字曰附慕容超以一體例說並見前

時姚興乃遣其將姚强 玩文義乃是方之誤

載記第二十九

沮渠蒙遜

推蒙遜爲使持節大都督大將軍涼州牧 涼州牧安帝紀作

北涼州牧

蒙遜以安帝隆安元年自稱州牧 隆安五年誤作元年

載記第三十

赫連勃勃

義熙二年僭稱天王大單于 安帝紀作三年按作三年與下
在位十三年而宋受禪合

殺泓秦州刺史姚平都 姚泓載記作姚軍都

晉書校勘記卷五

會稽陶潛宣校

晉書成於唐代又非出一手異同舛誤較多嘉定錢氏晉書攷異五卷仁和勞氏晉書校勘記三卷盧抱經著晉書帝紀天文志禮志校正多所匡糾至畢氏晉書地理志新補正洪氏東晉疆域志近人陽湖方氏楷新校晉書地理志於輿地之學尤詳焉海門周廣文著是記時未見錢勞二家之書開多福出廣文自言從軍防海行區倥傯僅攜晉書自隨暇卽以本書互相校勘隨筆寫記一時無從旁證它籍削彙未定展轉傳鈔初刻時脫去載記一卷今年夏濬宣客都門於瑞安黃副都丈處始訪得之亟歸補刊中間頗有脫誤重爲斟正以成完帙光緒十六年冬十月會稽陶濬宣記

